

丹陽縣續志卷之八

兵防

光緒十三年改保甲局爲團防局縣治設總局一

三公祠內

分局四管帶一幫帶四勇額由四十名遞增至六十名名曰練勇延陵珥陵呂城亦次第仿行經費多出舖捐二十年中日失和日人內犯海口戒嚴江督劉坤一通飭各就地方情形舉辦民團知縣趙以煥改委外委許德源整頓練勇以資防衛

光緒十八年江督劉坤一鑒於各處教案疊出加派舳板炮船常川駐丹分舶各教堂前並派江防營一哨

丹陽縣續志

卷之八

兵防 兵事

一

駐劄城東烈帝廟以資保護

光緒二十年延陵董事周步瀛潘上庠呈請添派炮艇一艘駐延防護管帶游擊高吉山辦事勤勞地方德之

光緒二十一年呂城內河汎外委並防兵一律裁撤

兵事

宣統元年六月土匪藉鬧漕滋事擾亂秩序常鎮道劉燕翼檄調蘇混成協四十七標盧世伊統兵來丹維持治安著匪黃作舟等在呂城聚眾搗亂世伊聞訊馳往相持於呂瀆河西當場格殺景玉潤並野貓小

虎等六名事平後黃作舟黃金林均在禁病斃

宣統三年八月民軍起武昌遠近響應知縣鄒壽祺會同地方紳商募捐設立自衛團招選團士一百二十人分五隊每隊設隊長一合力防護故至九月十五日全省改革後地方獲慶安謐

### 徵兵

光緒三十二年江蘇行徵兵制道員陶駿保徵兵一次丹陽應徵者三十人宣統元年又徵一次丹陽應徵者較少

### 警察

丹陽縣續志

卷之八

徵兵 警察

二

光緒三十四年江蘇巡警道汪瑞闈通飭各縣試辦警察札委警察畢業生施含華駐丹教練宣統元年知縣羅良鑑就原有練勇教練合格者改編成立

丹陽縣續志卷之八終